

# Yëkkuö tsá kit Pedro tö

## 1 Pedro

Pedro, kiè ñies Simón, e' tö yëkkuö i' kit. Jesús ttókatapa shuá ie' dör kékë tajë imalepa tsata. Erë mik Jesús klönewá ttèwá etá Pedro è tö iyè' tö ie' kè wá Jesús sùule. E' ukuöki tá ie' eriane tajë tá ie' e' me' Jesús dalöiökne. Kè s'wá ijcher wé ie' bak senuk mik ie' tö yëkkuö i' kit etá. Ie' tö iché tö ie' bak senuk Babilonia (1 Pedro 5.13) erë ká bak böt kua'kí kua'kí Babilonia. Roma wakpa tajë bak senuk suluë Skéköl wöá wës Babilonia wakpa bak senuk es. E' kueki ie'pa ká kiè ñies Babilonia. E' kueki pé' tajë tö ibikeitsè tö mik Pedro tö yëkkuö i' kit, etá ie' tso' Roma.

Ie' tö yëkkuö i' kit Jesús mik erblökwakpa bak senuk ká kua'kí kua'kí tso' Asia Menor shuá e'pa a. I'ñe tá ká e' kiène Turquía. Ie'pa bak weinuk, e' kueki Pedro éna ikimák senuk batse'ne kekraë Jesús a mik ie'pa weirke e' dalewa. Ñies ie' tö ie'pa a iché tö Skéköl wák tö ie'pa klöo'bak iwák ichaie, e' kueki ie'pa tuë tajë Skéköl a. E' kueki ie'pa kè kàne tkinuk iwák è kí. E' skéie ie'pa ké senuk tso'tke e' meulettsá er bua' wa weinuk Jesús dalërmik wës ie' weine ie'pa dalërmik es. Mik ie'pa weirke Jesús kueki etá ie'pa ké ttsè'nuk buaë Wiköl Batse'r tso' mokië ie'pa a e' kueki. Es Pedro tö iché.

### Shké'wè

**1** 1Ye' dör Pedro. Ye' dör Jesucristo ttekölpa tsá, e'pa eköl. Ye' tso' yëkkuö i' shtök wépa shukitbak Skéköl tö iwák a mineyal senuk Ponto, Galacia, Capadocia, Asia, ñies Bitinia, esepa a.

2Skéköl dör S'yé e' tö se' shukitbak wës ie' tö ibikeitsbak kuaë es. Iwiköl wa ie' tö se' batseo' as se' tö Jesucristo ttè iutò, ñies as se' er pairir Jesucristo pé wa se' nuì yökí. As Skéköl er buaë chò ena sene bèrè mù a' a tajë.

### Skéköl kíkòkasò

3-4Skéköl dör Skéképa Jesucristo yé, e' kíkòkasò tajë. Ie' tö se' sué er siarè wa. Jesucristo kötewá shkenekane, e' batamik ie' tö se' a sene pa'alí mé. Aishkuö tá ì buaë kos tso' ie' wá bléule se' a ká jaì a, e' döraë

se' ulà a, e' wà panekesö kröröë. E' kos kè nurta'wa, kè sulurta'wa, kè erta'wa yës. <sup>5</sup>A' erblöke Jesucristo mik, e' kuëki Skëköl tso' a' kkö'nuk ie' diché wa as ie' tó a' tsatkè, e' dò a' ulà a. E' tso'tke kkachè sulitane a ká erkewatke eta.

<sup>6</sup>Isalema a' kawöta weinuk ekuölö wì sù diò sù Cristo tté kuëki, eré e' dalewa a' ttsè'rke buaé a' wa ijcher tó Skëköl tó a' tsatkeraé aishkuö ta e' kuëki. <sup>7</sup>A' erblö Jesucristo mik, e' ské dör orochka weirta'wa, e' ské tsata. Se' tó orochka ma'weke bö' wa iwà kkachoie tó mokì oro wöchka idir. Ì kè dör oro wöchka ese ñarkewa. E' sù a' weirke, e' dör a' ma'woie iwà kkachoie tó mokì a' erblöke Jesucristo mik. A' dettsa buaé, e' ta mik Jesucristo datskene, eta Skëköl tó a' tté keraka, a' kikeraka buaé.

<sup>8-9</sup>A' kè wa Jesucristo suule a' wöbla wa, eré a' éna ie' dalër. I'ne ta a' kè ku' ie' sauk, eré a' erblöke ie' mik, e' wà tó a' tsatkeraé. E' kuëki a' ttsè'rke buaé shute, kè tté ta' iwà choie ekké.

<sup>10</sup>Ká iaiaé Skëköl ttekölpa tó s'tsatkè ñe' bikeits ena itò yulò'ttsarakitö. Ñies ì kos meraé Skëköl tó se' a ie' er buaé ché se' a e' dalërmik, e' yè'arakitö. <sup>11</sup>Cristo Wiköl tó ie'pa ka' ijchenuk tó Cristo weirdaé siarè, e' ukuökì ta ilo kardaka tajë. Eré kè ie'pa éna iwà ane tó yi idir ö mik ö wes iwà tkömi. <sup>12</sup>Eré Skëköl tó ie'pa a iwà kkeyé' tó tté e' kè wà tköpa ie'pa kéwö ska', e' skéie iwà tköraé se' kéwö ska'. Tté buaé yé' ie'pa tó, e' dör Jesucristo tté buaé ttsè'bak a' tó e'. Ipakökwakpa tó a' a' ipaka' Wiköl Batse'r patkéulebitu ká jaì a e' diché wa. Iyi ikké jchenakwa sulué Skëköl biyöchökwakpa wa.

### Skëköl tó se' kié senuk buaé yësyësë

<sup>13</sup>E' kuëki a' erbikó buaé yësyësë, a' e' kkö'nú, a' tso' erki. Mik Jesucristo datskene, eta Skëköl er buaé ché a' a, e' wà döraé a' ulà a. E' wà panú kröröë, e' ki a' er múwaie kekraé. <sup>14</sup>Skëköl tté iutó wes ala'rla buaé tó sttò iutè es. Kè a' e' muktsane a' bak ì sulu wamblök ese ane wes a' bak kenet kè wa ie' tté mokì jcher es. <sup>15</sup>E' skéie a' senú batse'r kekraé, Skëköl tó a' klöo' e' dör batse'r e' kuëki. <sup>16</sup>Skëköl yëkkuö tó ichè i' es: "Skëköl tó ichè: Ye' dör batse'r, e' kuëki a' senú batse'r."<sup>a</sup> Es iyé'itö.

<sup>17</sup>Skëköl tó sulitane shuleke yësyësë ñikkéé wes se' serke es, e' kieke a' tó "S'yé", e' ta a' kawöta ie' dalöiök suane wa a' serkeia ká i' ki e' dalewa. <sup>18</sup>A' wa ijcher tó ie' tó a' yé'ttsa a' ser sulué wes a' yépa bak senuk sulué es, e' nuí ulà a. E' ské kè patone iyi erta'wa wes orochka ö inukölchka ese wa. <sup>19</sup>E' skéie ipatone Cristo kótewá pé tene tajë, e' wa. Ie' pé tuè tajë kè tonuk yi a. Ie' dör wes obeja wé'ne pupula jché judiowak tó mè Skëköl a es. Obeja e' dör bua'buáé kè ikì ì sulu ku' yës. E' sù Cristo kè kì ì sulu ta' yës, eré ie' e' me'ttsa ttewá se' skéie. E' kuëki Skëköl dalöiösö kekraé.

<sup>a</sup> 1.16 Levítico 11.44-45

20 Kām kâ i' yör, e' yökî ie' tō Cristo wöme'ttsabak ttèwā, erè i'ñe tã mik kâ i' erkewatke, etã iwà tka a' tsatkoie. 21 Cristo batamik a' erblöke ie' mik. Ie' tō Cristo shkeo'kane s'duulewā shuã tã ilo me'itö ie' a' buaë. Ie' tō io'bak es as a' erblö ie' mik, ñies as ì weraë ie' tō, e' wà panù a' tō.

22 I'ñe tã ttè mokî e' dalöie a' tō, e' batamik a' batse'one ñi dalëritsoie er mokî wa. Es a' kî ñi dalëritsó a' er kos wa. 23 A' a' sene pa'alî mène, e' dör wes a' kurne erpa etökichane es. Erè e' kè dör wes s'kur erpa s'mì wa s'yé wa es, e' duöta'wā. A' kune' etökichane Skëköl ttè dör ttsë'ka tso' kekraë e' wa. 24 E' dör wes Skëköl yëkkuö tō ichè es, e' tō ichè:

“S'ditsö ulitane dör wes kākö es,  
Ie'pa dör wes ma'ma wörkua es.  
Kākö sinewā tã iwörkua anewa,  
25 erè Skëköl ttè e' tso' kekraë.”<sup>b</sup>

Ie' ttè e' dör Jesús tté buaë pakane a' a' e'.

2 1 E' kuëkî, sene sulu kos olo'yó. Kè a' kachökia ñi kî. Kè a' e' ökia tō a' dör pè' buaë. Kè ukyënukia. Kè yi charia suluè a' tō. 2-3 Skëkëpa Jesús er buaë ché se' a, e' kke ttsétke a' tō, e' kuëkî ie' ttè wák wöchka yuló poë wes alala kune erpa ese tō imì tsu' yulè es as a' er kî diché iër buaë as a' tsatkër.

#### Cristo dör wes ák kibi tso' u katabloie es

4 A' shkōwā Skëkëpa Jesucristo ska', ie' dör wes ák tso' u yuoie es erè ttsë'ka. E' waté'ttsã s'ditsö tō wes u yuökwakpa tō ák kè dör buaë u yuoie ese këü es. Erè Skëköl a' tã ie' dör wes ák shukitule tuë darërè es. 5 Es ñies se' dör wes ák tso' u yuoie es erè ttsé'ka. Se' wa Wiköl Batse'r tso' iwé yuök. U e' a' se' dör wes sacerdotepa batse'r es. Eë se' tō ì wër buaë Skëköl wa ese meke ie' a' Jesucristo batamik. Ì wër buaë ie' wa, e' dör tō se' tō ie' dalöiö Wiköl Batse'r wa se' er wa ena se' ser kos e' wa. 6 E' dör wes itso' kitule Skëköl yëkkuö kî es. E' kî Skëköl tō Cristo ché i' es:

“Ittsó. Ye' tō ák kibiie tkéat ye' u katabloie Sión,  
e' dör ák bua'ie shukitule tuë darërëë ese.  
Yi erblöke imik, ese kè eriarpa.”<sup>c</sup>

7 Ák e' dör Jesucristo. Se' erblöke ie' mik, esepa kikerakā Skëköl tō. Erè wépa kè erblökü' ie' mik, esepa a' tã e' kè dör es. Itköke ie'pa tã wes itso' kitule Skëköl yëkkuö kî es, e' tō ichè:

“Ák waté'ttsã u yuökwakpa tō,  
e' yönene ák bua'buaië.”<sup>d</sup>

8 Ñies e' tō ichè:

“Ák e' mik pè' klastkërdaë,

<sup>b</sup> 1.24-25 Isaías 40.6-8    <sup>c</sup> 2.6 Isaías 28.16    <sup>d</sup> 2.7 Salmo 118.22

ie'pa ardarö iski ák e' kueki."e

Ie'pa kè wá Jesucristo tté buaë e' iütëne, e' kueki ie'pa weirdaë e' nuí ki. E' dör wës ie'pa klastkër Jesucristo mik es. Skëköl tò ie'pa wöme'ttsabak as itkò ie'pa ta es.

<sup>9</sup>Erë a' kè dör es. Skëköl tò a' shukit as a' dò ie' wák ichaie. Ie' dör a' blú ena a' dör ie' sacerdotepa. A' dör batse'r ie' a. A' bak senuk ì sulu dikia wës s'ser stui a es, erë ie' tò a' yë'ttsa e' ulà a senuie ie' olo buaë tajë e' a. Ie' tò iwé es as ì buaë kos wé ie' tò, e' wà pakò a' tò sulitane a. <sup>10</sup>Kenet ta a' kè dör ie' icha, erë i'ñie ta a' dör ie' wák icha. Kenet ta ie' kè wá a' sune er siarë wa, erë i'ñie ta ie' tò a' sueke er siarë wa.

### Se' senu wës Skëköl ki ikiane es

<sup>11</sup>A ye' yamipa dalër tajë ye' éna, se' tso' bërberla è ká i' ki wës upakè shkal es. Se' ká bua'ie e' dör ká jai a. E' kueki a' wák dër suluë tò a' erkiöweke ì sulu wamblök, e' kè iutar. E' tò a' wöklö'weke as a' kè tò Skëköl ttò iütè. <sup>12</sup>A' senu yësyësë kekraë pè' kè tò Skëköl dalöie esepa wörki. Erë i'ñie ta' ie'pa tò a' kcateke wës a' chópa pè' sulusipa es, erë ie'pa tso' a' serke yësyësë e' wá sauk. E' kueki aishkuö ta mik Skëköl de s'chakök se' nuí ki, etá ie'pa tò ie' kikeraka wës a' serke e' ki. E' kueki a' senu buaë yësyësë kekraë.

<sup>13</sup>S'wökirpa kos ttè iütó a' tò Skëképa Jesús batamik. Ká wökir kibi, e' ttè iütó, ie' dör s'wökir kibi ká i' ki e' kueki. <sup>14</sup>Ñies wépa patkeke ie' tò s'wökirpaie, esepa ttè iütó a' tò. Ie' tò ie'pa patkeke wépa tò ì sulu wambleke esepa we'ikök ena wépa tò ì bua' weke esepa kikökka. <sup>15</sup>Skëköl ki ikiane tò a' tò ì buaë wè, pè' tò ie' ttè watéttsa, kè wá iwà jcher yës, esepa siwa'blöwowaie as ie'pa kè tò a' chöia suluë.

<sup>16</sup>A' senu wës pè' tsatkéulettsa es. A' bak klöulewa ì sulu ulà a, e' yöki a' tsatké'ttsa Skëköl tò, erë e' kè klö'war a' tò ì sulu wambloie. E' skéie a' senu yësyësë ie' kanè mésopaie. <sup>17</sup>Sulitane dalöió. S'yamipa malepa dalëritsó. Skëköl dalöió. Ñies ká wökir kibi, e' ttè dalöió.

### S'weirke kos e' dalë'ttsösö

<sup>18</sup>A' wépa klöulewa kanè mésoie, esepa tò a' wökirpa ttò iütó. Wépa er buaë tò a' sueke buaë, ñies wépa er suluë tò a' sueke késik wa, esepa ttò iütó er bua' wa. <sup>19</sup>A' kè ki ì nuí ta', erë a' wökir tò a' we'ikeke éme, e' dalë'ttseke a' tò bèrë, a' er me'rie Skëköl ki e' kueki, e' ta e' wër buaë ie' wa. E' kueki a' wökirpa ttò iütó. <sup>20</sup>Se' weirke ì sulu wamblekesö ese nuí ki, ese dalë'ttsésö bèrë, e' ta Skëköl kè tò se' kikepaka yës. Erë se' weirke ì buaë wésö ese kueki, ese dalë'ttsésö bèrë, e' ta e' je' wër buaë

<sup>e</sup> 2.8 Isaías 8.14

ie' wa. <sup>21</sup>Ie' tò se' klöo'bak as se' tò idalè'ttsò es. Cristo weine tajë se' dalèrmik, e' dalè'ttsè' ie' tò bèrè. Es ie' kî ikiane tò se' tò se' weirke ese dalè'ttsò bèrè wes ie' tò idalè'ttsè' es. <sup>22</sup>Cristo kè wà ì sulu wamblène yës, ie' kè kayène yës. <sup>23</sup>Mik ie'pa tò ie' yè' suluè iwòshaë, età ie' kè wà ie'pa yène sulu. Mik ie'pa tò ie' we'ik tajë, età ie' kè wà yi pauine. E' skéie e' me'atitò, Skèköl tò s'shuleke yësyësë, e' ulà a. <sup>24</sup>Cristo kötewa wötëulewà krus mik se' nuì qos patuoie as se' ser yësyësë, ñies as ì sulu kè wamblòiasò. Ie' shka'ne ichkà kî tajë, e' batamik a' buanene. <sup>25</sup>A' bak wes obeja chöwa es, erè ì'ñe tã a' dene Cristo ska'. Ie' dör a' kkö'nukwak buaë, ie' tò a' kkö'neke er bua' wa.

### Wes s'senewabak esepa ké senuk ñita

**3** <sup>1</sup>A tayëpa, a' wëpa ttò iütó er bua' wa. A' tò iwé es, e' tã a' wëpa welepa kè erblöku' Jesús mik, esepa erblömi alè Jesús mik, a' serke buaë ie'pa tã, e' è batamik, kè wà pakaule ie'pa a. <sup>2</sup>A' wëpa tò isué tò a' serke yësyësë, Skèköl ttè dalöieke mokië, e' tò ie'pa erkiöwèmi erblök Jesús mik. <sup>3</sup>A' tayëpa, ¿moki' a' e' ttsakka buaala? e' tã kè a' e' kîtkarka tajë a' chkà kî. Kè ì tularka tajë e' kî ena a' tsà kî wönarke dalölöë oroie ìie. Kè a' e' paiökka datsi' tuè darërëë ese wa. Ese qos weirta'wa. <sup>4</sup>E' skéie er buaë ñies sene bèrè, ese wa a' e' kîtkó. E' kè weirta'wa ñies e' wër buaë shute Skèköl wa. <sup>5</sup>Alakölpa bak ká iaiaë tò Skèköl dalöieta', esepa bak e' kîtkök es. Ie'pa bak e' maukka Skèköl mik, ñies ie'pa bak iwëpa ttè iütök buaë. <sup>6</sup>Sara tò iwëm Abraham ttè iütè' buaë tã iki'itò kèkëpa. A' tò ì buaë weke, kè suarta' ì yöki, e' tã a' dör wes Sara es.

<sup>7</sup>A' wëpa alaköl tã, a' senú itã bèrè er bua' wa. Ie'pa diché kè tã tajë wes se' wëpa es. Ñies ie'pa ulà a sene michoë doraë se' tã ñita Skèköl er buaë ché se' a e' wa. E' kuëki ie'pa dalöioó. Iú es as ì kieke a' tò Skèköl a, ese kè wöklör.

### Jesús mik erblökwakpa ké senuk buaë sulitane tã

<sup>8</sup>Es bata ekkè tã ye' tò ichè a' ulitane a, a' senú buaë ñita bèrè. A' ñi saü er siarè wa. A' ñi dalèritsó buaë ñi èlpaie. A' ñi saü er bua' wa. A' e' ówa ñi yöki diòshet. <sup>9</sup>Yi tò ì sulu wamblé a' kî, ese kè kî iské wamblarne. Yi tò a' ché suluë, ese kè ské charne suluë. E' skéie esepa a a' er buaë chónè. Skèköl tò se' klöo'bak er buaë choie se' a, e' kuëki a' er buaë chó smalepa a. <sup>10-12</sup>E' dör wes Skèköl yëkkuò tò ichè es, e' tò ichè:

“Skèköl wöbla me'rie s'ser yësyësë, esepa kî ikkö'nuk.

Ì kieke ie'pa tò ie' a, ese meraëitò ie'pa a.

Erè wépa e' wamblò sulu, esepa suëkeitò ibolökpaie.

E' kuëki yi kî ikiane tò ikawò tkò buaë ttsène bua' wa kekraë, ese wák kawötã e' kkö'nuk as kè itò ì sulu chò,

as kè itò yi kî'tò'ù.

Ese wák kawötä ì sulu kòs olo'yök,  
kawötä senuk yësyësë.

Ie' ké e' chök senuk bèrè kékraë sulitane ta."f

<sup>13</sup>A' e' tkéwä darërëë senuk yësyësë kékraë, e' ta kè yi a a' sulunukwa da'a. <sup>14</sup>Erë a' serke yësyësë, e' kî a' weirmi alè, e' ta ayëcha e' dör buaë. Kè a' suanuk wépa tò a' we'ikeke esepa yöki. Kè a' tkinuk ì yöki. <sup>15</sup>E' skéie Cristo dalöió a' tò e' blúie. Yile tò a' chaké Cristo paneke a' tò kröröë, e' kî, e' ta a' tso'tke erkî kékraë iwà iütök. <sup>16</sup>Erë iwà iütó bèrè er bua' wa. A' senú yësyësë as a' er kè tò a' kkatò ì kî. E' dör es, e' ta mik pè tò a' ché suluë a' dör Cristo mik erblökwakpa e' kuëkî, etä e'pa jaërdakä ì ché ie'pa tò e' dör kache e' kuëkî.

<sup>17</sup>Se' weirke ì buaë wëke se' tò ese kî, Skëköl kî ikiane alè es, e' ta e' dör buaë. Erë se' weirke ì sulu wamblekesö ese kî, e' ta e' dör suluë. <sup>18</sup>Ñies Cristo weine siarë se' nuì patuoie. Ie' kötewä etökicha ème kè duötä'wajä yës. Ie' dör yësyësë, erë ie' e' mettsä ttëwä se' kè dör yësyësë e'pa skéie se' tsömi Skëköl ska'. Mokî ie' kötwa pè' tò, erë ie' shkeo'kane Skëköl tò iWiköl wa. <sup>19</sup>Ñies Wiköl Batse'r wa ie' dër'ro wé wimblupa tso' wötëule eë, ie' e' ali'ka e' chök ie'pa a. <sup>20</sup>Kä iajäë ie'pa tò Skëköl ttò dalöseo'wä Noé këska'. Noé bak kanò tajë e' yuök, e' dalewa Skëköl tò ipana' enaë tò pè' er mane'ü ie' a, erë ie'pa kè wä ionë. E' kuëkî Noé ena iyamipa pàköl wa'ne, e'pa è tsatkëne kanò a di' tajë yöki. <sup>21</sup>Di' tajë bakmi Noé këska', e' tò di' a s'wöskueke e' tsatkoie i'nëta e' klea' se' a. S'wöskuë e' kè dör s'chkà paskuoie. E' skéie iwà kkachekeitö tò se' tso' ikiök Skëköl a tò se' nuì olo'yó s'ki as se' er kè tò s'kkatöia. E' tò se' tsatkeke Jesucristo shkenekane e' batamik. <sup>22</sup>I'ne ta Jesucristo mine'kane ká jaì a e' tkër Skëköl ulà bua'kka<sup>s</sup> Skëköl biyöchökwakpa ulitane, ñies ì ulitane tso' s'wökirie wä diché ta' kè wërta'wä esepa kòs tso' ie' klò dikia.

**4** <sup>1</sup>Cristo weine tajë se' skéie, e' kuëkî a' e' chó a' weirke kòs e' dalë'ttsök er bua' wa wës Cristo es. Yi weine ì buaë wëitö e' kuëkî, esepa kè éna ì sulu wamblakia. E' kuëkî a' e' chó weinuk. <sup>2</sup>Wépa dör es, ese wakpa serkeia ká i' a etä kè ie'pa éna ì sulu wamblakia wës s'malepa tò iwambleke es. E' skéie ie'pa senak buaë yësyësë kékraë wës Skëköl kî ikiane es. <sup>3</sup>Kenet ta a' kè wä Skëköl suule, e' kèwö ska' ta a' bak ì sulu è wamblök tajë wës pè' malepa kè wä ie' suule esepa ser es. A' bak trënuK tajë. Ì sulu kukuété'wä darërëë. A' bak e' ttökka blo' wä tajë. A' bak ñi dapa'uk blo' yök tajë. E' kéwa a' tò ì sulu kî wambleke tajë. Ñies íyi diököl tò s'dako'wè ekkë, ese dalöiök a' bak tajë skëkölíe. <sup>4</sup>Erë i'ne ta a' kè mineia pè' kè tò Skëköl dalöie esepa ta ì sulu wamblök wës ie'pa tò iwambleke kè wöklörtä' es. E' tò ie'pa tkiwëwä, e' kuëkî ie'pa tò a' cheke suluë. <sup>5</sup>Skëköl dör s'duulewä

f 3.10-12 Salmo 34.12-16 § 3.22 ulà bua'kka: E' kèwö ska' ta yi tkër blu' ulà bua'kka ese wák dalöiërta' tajë imalepa tsata.

ena s'tso'iā ttsē'ka, e'pa kōs shulōkwak. Aishkuō tā ì sulu wamblē' ie'pa tō, e' kōs kī ie'pa kawōtā e' chōkkā ie' wōrki. <sup>6</sup>Cristo ttē buaē e' pakanebak ñies s'durulune esepa a. Ie'pa durulune ì sulu wamblē' ie'pa tō e' kueki, wēs Skēkōl tō ime'at tō sulitane kawōtā duōkwā es. Erē Cristo ttē buaē e' pakanebak ie'pa a as ie'pa wikōlpa ser michoē wēs Skēkōl ser es.

### Se' ké ñi kīmuk

<sup>7</sup>Ká i' erkewatke, e' kueki a' tso' erki, a' e' kkō'nú buaē as a' a' s'yēyēr buaē. <sup>8</sup>Íyi kōs tsatā a' ñi dalēritsō a' er kōs wa. A' ñi dalēritsōke es, e' tā wēs alē s'yamipa e' wamblō suluē a' kī, ese kē kī a' tkirpa. <sup>9</sup>A' tō s'yamipa kiōwā er bua' wa a' u a, kē isuār suluē. <sup>10</sup>Skēkōl er buaē ché a' a, e' kueki ie' tō imé a' a' kuā'kī kuā'kī ñi kīmoie, e' kueblupa a' dōr. E' kueki ì mēne a' ekōl ekōl a' s'malepa kīmoie ese wā kaneú. <sup>11</sup>A' wēlepa a' imēne ttē pakōk, e' tā esepa kawōtā Skēkōl ttē è pakōk. A' wēlepa a' imēne s'kīmuk, e' tā esepa kawōtā s'kīmuk kōs Skēkōl tō e'pa a' diché métke ekkē. Ì kōs wēkesō e' ūsō buaē as Skēkōl kīkarkā taiē Jesucristo batamik. Jesucristo diché tā' taiē, olo tā' taiē íyi ulitane tsatā kekraē. Es e' idir.

### Se' ttsē'nū buaē se' weirke etā

<sup>12</sup>A yamipa dalēr taiē ye' éna, mik a' weirke siarē Cristo ttē kueki, etā kē e' kī a' tkinuk. Kē a' tō ibikeitsōk tō a' tā itkōmi wēs ì kē suule yi wā tkō s'tā es. <sup>13</sup>E' skéie a' ttsē'nū buaē. Cristo weine kōs e' bata de a' kī ñies, e' kueki a' ttsē'nū buaē. E' tkōke a' tā es as a' ttsē'r buaē shutē mik Cristo dene olo tā' taiē etā. <sup>14</sup>Ayēcha buaē mik ie'pa tō a' ché suluē Cristo kueki, e' wā dōr tō Skēkōl Wikōl olo tā' taiē e' tso' a' tā. <sup>15</sup>A' weirke s'ttēwā kueki, akblē kueki, ì sulu wamblē kueki ò ulā tiē o'ka íyi a' e' kueki, e' je' tā a' jaēnú. <sup>16</sup>Erē a' weirke se' dōr Cristo icha e' kueki, etā kē e' kī a' jaēnuk. E' skéie Skēkōl kīkōkā a' tō ie'pa tō a' kiē Cristo icha e' kueki.

<sup>17</sup>Skēkōl tō sulitane shuleketke, e' kēwō dōkewatke. Erē ie' tō iwák icha shuleraē kewe. Se' weirke i'ñe tā, e' dōr sulitane weirdaē e' tsá, e' tā ì kē tkōpa wépa kē tō ttē buaē me' Skēkōl tō e' dalōietā esepa tā? <sup>18</sup>E' dōr wēs itso' kitule Skēkōl yēkkuō kī es, e' tō ichē:

“Pē' serke yēsyesē, iekke tā esepa kē tsatkēne,

e' tā ì kē tkōpa pē' sulusipa ena pē' e' wamblō sulu esepa tā?”<sup>h</sup>

<sup>19</sup>Wépa mé Skēkōl tō weinuk ie' ttē kueki, esepa ké ì buaē wēkerakitō, ese kī ūk. Ie' se' yō', ie' ttō mokiē, e' kueki se' e' mù bèrē ie' ulā a.

### Skēkēpa Jesús icha wōkirpa esepa patté Pedro tō

**5** <sup>1</sup>I'ñe ye' tō ilē cheke a' dōr Skēkēpa Jesús icha wōkirpa esepa a. Ñies ye' dōr Jesús icha wōkir ekōl. Cristo weine siarē, e' sul'yō ye'

<sup>h</sup> 4.18 Proverbios 11.31

wák wöbla wa. Mik ie' datskene, etä ie' olo taië e' kkayërdaë sulitane a, e' a ye' tso'ñiak a' ta. E' kuekî ye' tò a' a ichè tò <sup>2</sup>wépa me' Skèköl tò a' ulà a kk'ò'nè wës obeja es, esepa kk'ò'nú buaë, er buaë wa wës ie' kî ikiane es. Kè dör tò a' kè éna iwak, erè a' tò iweke. E' skéie iwakaneú er bua' wa. Ñies kè ie'pa kk'ò'nar inuköl è dalërmik, e' skéie ikk'ò'nú er bua' wa ie'pa kimoie. <sup>3</sup>Kè a' tò ie'pa wëttsuk kësik wa. Kè a' e' ttsökka taië ie'pa kî. E' skéie a' senú buaë yësyesë ie'pa wörki as ie'pa ser buaë wës a' ser es. <sup>4</sup>A' tò iwé es, e' ta mik Cristo dör se' ulitane wökir kibi e' datskene, etä iské buaë olo ta' taië, kè sulurta'wa e' meraëitö a' a.

### Jesús icha malepa patté Pedro tò

<sup>5</sup>A duladulapa, a' kékëpa ttö iutó buaë. Ñies a' ulitane e' wöowa diöshet ñi yöki, a' ñi dalóio er bua' wa. Skèköl yëkkuö tò ichè:

“Wépa e' ttsökka taië, esepa wöklö'weke Skèköl tò.

Erè wépa e' wöowa diöshet, esepa a' ie' er buaë chò.”<sup>6</sup>

<sup>6</sup>E' kuekî a' e' wöowa diöshet ie' diché ta' taië e' yöki, as ie' tò a' kíkòka mik ikéwö de etä. <sup>7</sup>Ie' er me'rie a' kî a' kk'ò'noie, e' kuekî kè a' tkinuk ì kî. Ì kos tò a' tkiweke, a' tsiriweke, e' múat ie' ulà a.

<sup>8</sup>iA' tso' erkî, a' e' kk'ò'nú! Bé dör a' bolök. Ie' tso' a' tötiuk wës ma'name arke taië, e' tò iyiwak tötieke katëwa es. <sup>9</sup>A' e' tkówa darèrè a' erblöke Skèköl mik e' a, es a' tò Satanás wöklö'weraë. A' wa ijcher tò ká wa'ñe s'yamipa tso' weinuk wës a' es. E' kuekî a' e' tkówa darèrè Skèköl a. <sup>10</sup>Ie' er buaë ché se' a taië shute. Ie' tò se' shukitbak as se' döñak ie' olo yöbië e' a, se' batsulewá Cristo mik e' wa. Se' weirke ekuölö è ká i' a, mik e' tka, etä ì sulu tso'ia se' a, e' yerattsaitö sekka. Ie' tò se' tkewaraë darèrè. Ie' tò se' er diché ieraë, kè ì e' alòpakaiá se' kî. <sup>11</sup>Ie' diché ta' taië íyi ulitane tsata. Ie' dör íyi ulitane wökir kékraë. Es e' idir.

### Pedro e' chéat

<sup>12</sup>Ye' tò Silvano ké yëkkuö i' shtök. Ye' wa ijcher tò ie' dör s'yami e' tkéulewá darèrè ese. Yëkkuö i' shtéyo a' a a' er diché kî ioie. Skèköl er buaë ché se' a taië, e' shtéyo yëkkuö i' kî. Ye' tò ichè tò e' dör ttè mokié, e' a a' e' tkówa darèrèë.

<sup>13</sup>Jesús mik erblökwakpa kos tso' Babilonia, e'pa tò a' shké'wémi. E'pa shukit Skèköl tò wës ie' tò a' shukit es. Ñies Marcos dör wës ye' wák alà es, e' tò a' shké'wémi. <sup>14</sup>A' ñi shké'ú er bua' wa.

A' kos dör Cristo icha, e'pa senú bèrè.

<sup>1</sup>5.5 Proverbios 3.34